



## B sagla maam tı m zab ne nebā, halı tı b wa maan kaset tı soab sēn na n tū n tulg ka be ye, rēnda Wēnde, a Muhammad yaa Wēnd Tēn-tuūma, la b yals Puusgā, la b kō Zakā

Yii a ‘Umar biig nengē (Wēnd yard be b yiibā yīngā): a yeelame: tı Wēnd Tēn-tuūmā, (Wēnd puusg la A tulḡr be a yīngā) yeelame: «B sagla maam tı m zab ne nebā, halı tı b wa maan kaset tı soab sēn na n tū n tulg ka be ye, rēnda Wēnde, a Muhammad yaa Wēnd Tēn-tuūma, la b yals Puusgā, la b kō Zakā, rēnd b sā n maan woto, b gūu b zūmā la b arzegsā n yi maam, sā n ka līslaangā hake b sēn na n yāk n kīsā, la b tuūmā geelg zao ne Wēnde».

[Naşon Şahihon (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)]

Nabiyaamā, (Wēnd puusg la A tulḡr be a yīngā) kōta kibare, tı Wēnd sagl-a lame t'a zab ne nebā, halı tı b wa maan kaset tı soab sēn na n tū sīd-sīd ka be sā n ka Wēnd A Yembre, lagem-n-taar ka be ne-A, la b maan kaset t'a Muhammad, (Wēnd puusg la A tulḡr be a yīngā) yaa Tēn-tuūma, la b tūm ne kaset-kāngā sēn rat būmb ninsā, sēn yaa wakat a nu wā gūusg wīndgā la yūngā pugē, la b kō Zak ning sēn yaa faril n zao bāmbā, b rāmbā. Rēnd b sā n maan yel-kāensā, ad līslaangā gūuda b zūmā la b arzēkā, rēnd b kūub ka leb n segd ye, sā n ka mikame tı b wa n tūg n maana yel-wēnga, maa b maana tuūm beed sēn sōmb n kū-a, sēn zems ne sāri wā buud pugē, rē poorē dūni yikr raare, Wēnd n na n yals ne b tuūmā geelgo, bala Wēnd n mi b yel-soaandı wā.

<https://sunnah.global/hadeeth/mos/show/4211>